



অবিলম্বে প্রকাশের উদ্দেশ্যে: 5/3/2023

গভর্নর ক্যাথি হোকল

গভর্নর হোকল 2024 অর্থবছরের বাজেটের অংশ হিসেবে স্টেটব্যাপী সাশ্রয়ী চাইল্ডকেয়ার পাওয়ার সুযোগ সম্প্রসারিত করতে উল্লেখযোগ্য ব্যবস্থা ঘোষণা করলেন

*চার বছরের কম বয়সী শিশুদের জন্য এম্পায়ার স্টেট শিশু ক্রেডিটের সম্প্রসারণ,  
আরো প্রায় 630,000 শিশুর জন্য সমর্থন*

*নতুন 500 মিলিয়ন মার্কিন ডলার কর্মীবাহিনী ধরে রাখার অনুদান কর্মসূচি তৈরি এবং  
চাইল্ড কেয়ার কর্মীবাহিনীর জন্য সমর্থন*

*চাকরিদাতার স্পন্সর করা চিকিৎসা পাইলট কর্মসূচি স্থাপন যা নিউ ইয়র্কের  
চাকরিদাতাদেরকে তাদের কর্মীদের শিশুদের সাশ্রয়ী চাইল্ড কেয়ার পাওয়ার সুযোগ  
প্রদান করতে উৎসাহিত করবে*

*চাইল্ড কেয়ার যোগ্যতার সীমা বৃদ্ধি করে এবং চাইল্ড কেয়ার সহায়তা কর্মসূচির  
পরিবারের জন্য চাইল্ড কেয়ারের খরচ কর্তন করে*

গভর্নর ক্যাথি হোকল আজকে ঘোষণা করলেন যে 2024 অর্থবছরের বাজেটের অংশ হিসেবে সাশ্রয়ী চাইল্ড কেয়ার পাওয়ার সুযোগ বৃদ্ধি করতে, নিউ ইয়র্ক স্টেটের চাইল্ড কেয়ার কর্মীবাহিনীতে বিনিয়োগ করতে এবং কর্মজীবী পরিবারকে সমর্থন করতে উল্লেখযোগ্য ব্যবস্থা গ্রহণ করা হবে। বাজেটটি চার বছরের কম বয়সী শিশুদের জন্য এম্পায়ার স্টেট শিশু ক্রেডিটের (Empire State Child Tax Credit, ESCC) সম্প্রসারণ; আনুমানিক 250,000 কেয়ারগিভারদের সমর্থন করার জন্য 500 মিলিয়ন মার্কিন ডলার বিনিয়োগ দ্বারা কর্মীবাহিনী ধরে রাখার অনুদান কর্মসূচির (Workforce Retention Grant Program) বিকাশ করে; কর্মীরা যাতে নিজেদের চাকরিদাতাদের মাধ্যমে সাশ্রয়ী চাইল্ড কেয়ার খুঁজে নিতে পারে তাতে সাহায্য করার জন্য নিউ ইয়র্কের নতুন চাকরিদাতার স্পন্সর করা কেয়ার পাইলট কর্মসূচি (Employer Sponsored Care Pilot Program) তৈরি করে; এবং নিউ ইয়র্কের আরো বেশি পরিবার যাতে চাইল্ড কেয়ার সহায়তা পাওয়ার সুযোগ পায় সে ব্যাপারে সাহায্য করতে কর্তন ও যোগ্যতার সীমা বৃদ্ধি করে। চাইল্ড কেয়ার পাওয়ার জন্য পরিবারের যে সমর্থন ও সেবা প্রয়োজন তা প্রদান করার মাধ্যমে নিউ ইয়র্কের শিশুদের সাহায্য করার জন্য গভর্নরের যে অব্যাহত প্রতিশ্রুতি রয়েছে, একত্রে এই বিনিয়োগসমূহ তারই প্রতিফলন করে।

"সাশ্রয়ী মূল্যের শিশু পরিচর্যার বিকল্পের অভাবে যেসব ব্যক্তিকে তাদের কর্মজীবনকে বিরতিতে রাখতে হয়েছিল, আমি বুঝতে পারি যে এই লাইফলাইনটি তাদের পরিবারের জন্য কতটা গুরুত্বপূর্ণ," **গভর্নর হোকল বলেন।** "মহামারীর চূড়ান্ত পর্যায়ে, পিতামাতা ও কেয়ারগিভারগণ সাশ্রয়ী চাইল্ড কেয়ার বিকল্পের অভাবের কারণে নিজেদের চাকরি ছাড়তে বাধ্য হয়েছে এবং এদের অনেকেই আর ফিরে আসতে পারেনি, এর মধ্যে নারীরা অসামঞ্জস্যপূর্ণ উচ্চ হারে কর্মক্ষেত্রে ত্যাগ করেছে। প্রতিদিন পরিবারসমূহকে আরো সমর্থন প্রদান করার, কর্মজীবী পিতামাতা ও কেয়ারগিভারদের অত্যন্ত স্বাগত ত্রাণ প্রদান করা, এবং চাইল্ড কেয়ার ক্যারিয়ারে থাকা বা এতে আগ্রহীদের নিয়োগ ও ধরে রাখা উৎসাহিত করতে ঐতিহাসিক এই বিনিয়োগটি স্টেটব্যাপী ব্যবসা সমূহকে প্রণোদনা প্রদান করবে।"

### **পিতামাতা ও কেয়ারগিভারদের জন্য কর ত্রাণ সম্প্রসারিত করা**

2024 অর্থবছরের বাজেট চার বছরের কম বয়সী শিশুদেরকে এম্পায়ার স্টেট শিশু ক্রেডিটে অন্তর্ভুক্ত করার মাধ্যমে নিউ ইয়র্কের পরিবারসমূহে বিনিয়োগ করে। আরো প্রায় 630,000 শিশু অন্তর্ভুক্তির মাধ্যমে এই সম্প্রসারণ 525,000 এর বেশি নিম্ন ও মধ্যম আয়ের করদাতাদের সমর্থনে মোট 179 মিলিয়ন মার্কিন ডলার প্রদান করবে। 2006 সালে সূচনালগ্ন থেকে ESCC চার বছরের কম বয়সী শিশুদের বাদ দিয়েছে, কিন্তু এখন তারা প্রতি প্রভাবিত করদাতাকে অতিরিক্ত 340 মার্কিন ডলার এবং প্রতিটি নতুন যুক্ত শিশুর জন্য 284 মার্কিন ডলার গড় ভাতা প্রদান করবে।

### **নিউ ইয়র্কের চাইল্ড কেয়ার কর্মীবাহিনীর সমর্থন**

এছাড়াও নিউ ইয়র্কের চাইল্ড কেয়ার কর্মীবাহিনীর সমর্থনে একটি স্টেট কর্মীবাহিনী ধরে রাখার অনুদান কর্মসূচি তৈরি করার জন্য বাজেটে 500 মিলিয়ন মার্কিন ডলার অব্যবহৃত ফেডারেল তহবিল রয়েছে। তহবিলটি একটি কর্মীবাহিনী ধরে রাখার অনুদান কর্মসূচির মাধ্যমে বিতরণ করা হবে যা আনুমানিক 250,000 কেয়ারগিভারের জন্য লাভজনক হবে। কর্মীবাহিনী ধরে রাখার অনুদান কর্মসূচিতে বরাদ্দ তহবিল বিদ্যমান চাকরিজীবীদের জন্য বোনাস প্রদান করবে এবং নতুন চাকরিজীবীর জন্য সাইন-অন বোনাস ও অন্যান্য সংশ্লিষ্ট ব্যয়সহ নিয়োগ কৌশলের জন্য তহবিল প্রদান করবে।

### **নিউ ইয়র্কের কর্মীদের জন্য চাকরিদাতার স্পন্সর করা চাইল্ড কেয়ার পাইলট করা**

পরিবার ও চাইল্ড কেয়ারে ঐতিহাসিক বিনিয়োগের অংশ হিসেবে, 2024 অর্থবছরের বাজেটে একটি নতুন চাকরিদাতার স্পন্সর করা চাইল্ড কেয়ার পাইলট কর্মসূচির জন্য 4.8 মিলিয়ন মার্কিন ডলার বিনিয়োগ থাকবে। অংশগ্রহণকারী চাকরিদাতা, স্টেট এবং চাকরিজীবীরা ভাগাভাগি করে চাইল্ড কেয়ারের খরচ দিবে। যোগ্য হওয়ার জন্য পরিবারকে অবশ্যই স্টেটের মধ্যম আয়ের 85 শতাংশ ও 100 শতাংশের মধ্যে থাকতে হবে। পাইলটটি স্টেটের তিনটি পৃথক অঞ্চলে পরিচালিত হবে এবং পরবর্তী কোনও সময় [নিউ ইয়র্ক স্টেটের শিশু ও পরিবার পরিষেবা অফিস \(New York State Office of Children and Family Services, OCFS\)](#) এই পাইলট কর্মসূচির ব্যাপারে আরো বিস্তারিত প্রকাশ করবে। পাশাপাশি, যেসকল ব্যবসা তাদের কর্মীদের চাইল্ড কেয়ার চাহিদা আরো বেশি সমর্থন করতে আগ্রহী তাদের সহায়তা করার জন্য স্টেটব্যাপী একটি ব্যবসা নেভিগেটর কর্মসূচি তৈরি করতে 1 মিলিয়ন মার্কিন ডলার বরাদ্দ দেওয়া হয়েছে।

পাশাপাশি, 2024 অর্থবছরের বাজেটের অংশ হিসেবে গভর্নর হোকল একটি নতুন স্টেট কর ক্রেডিট স্থাপন করেছেন যা নতুন চাইল্ড কেয়ার আসন সৃষ্টিকারী এবং নিজেদের কর্মীদের জন্য বিদ্যমান চাইল্ড কেয়ার বিকল্প সম্প্রসারণ করা ব্যবসাসমূহের জন্য উপলভ্য থাকবে। প্রতি বছর 25 মিলিয়ন মার্কিন ডলারের এই ক্রেডিট [নিউ ইয়র্ক স্টেটের কর ও অর্থ বিভাগ \(New York State Department of Taxation and Finance, DTF\)](#) ও OCFS এর মাধ্যমে 'চাকরিদাতার চাইল্ড কেয়ার কর ক্রেডিট' নাম পরিচিত নতুন চাইল্ড কেয়ার সৃষ্টি ও সম্প্রসারণ ক্রেডিটের মাধ্যমে প্রদান করা হবে। পিতামাতা ও কেয়ারগিভারদের কর্মক্ষেত্রে পুনরায় প্রবেশ করার জন্য, স্টেটের শ্রমিক ঘাটতি সমাধান করার জন্য এবং নিউ ইয়র্ক স্টেটজুড়ে কর্মীরা যাতে কার্যকরভাবে কাজ করতে পারে তা সম্ভব করার জন্য অতিরিক্ত চাইল্ড কেয়ার আসন প্রয়োজন।

### **চাইল্ড কেয়ার সহায়তার যোগ্যতা সম্প্রসারণ**

2024 অর্থবছরের বাজেট চাইল্ড কেয়ার সহায়তা কর্মসূচির যোগ্যতা আরো সম্প্রসারণ করতে চার বছর ধরে 7.6 বিলিয়ন মার্কিন ডলারের বেশি প্রদান করবে, আয়ের সীমাকে ফেডারেল আইন দ্বারা অনুমোদিত সর্বোচ্চ সীমায় নেওয়া হবে, ফেডারেল দারিদ্র্যসীমার 300 শতাংশ (বা চার সদস্যের পরিবারের জন্য 83,250 মার্কিন ডলার) থেকে স্টেটের মধ্যম আয়ের 85 শতাংশ (বা চার সদস্যের পরিবারের জন্য 93,200 মার্কিন ডলার) করা হবে, যার ফলে আরো 100,000 নিউ ইয়র্ক পরিবারকে সহায়তা করা যাবে। এছাড়াও চাইল্ড কেয়ার সহায়তা কর্মসূচিতে অংশগ্রহণকারী পরিবারসমূহের জন্য দারিদ্র্যসীমার উপরে পরিবারের মোট আয়ের 1 শতাংশের মধ্যে চাইল্ড কেয়ারের খরচ হবে। বিভিন্ন স্থানীয় জেলাজুড়ে চাইল্ড কেয়ার সহায়তার যোগ্যতাকে স্ট্যান্ডার্ডাইজ করার চেষ্টায় স্টেট অনুমিত বার্ষিক অনুপস্থিতি 24 থেকে বৃদ্ধি করে 80 করবে।

### **গভর্নর হোকলের চাইল্ড কেয়ার এজেন্ডা**

নিউ ইয়র্ক স্টেটে চাইল্ড কেয়ারকে আরো ন্যায্য, আরো সহজলভ্য, ও আরো সাশ্রয়ী করার জন্য গভর্নর হোকলের দীর্ঘ রেকর্ডের উপর ভিত্তি করে তার 2024 অর্থবছরের বাজেট বিনিয়োগসমূহ হচ্ছে। লেফটেন্যান্ট গভর্নর হিসাবে, গভর্নর হোকল স্টেটের শিশু পরিচর্যা প্রাপ্যতা টাস্ক ফোর্সের সহ-সভাপতি ছিলেন, যেটি উদ্ভাবনী সমাধানগুলির বিকাশের উপর দৃষ্টি ফোকাস করে যা নিউ ইয়র্কে মানসম্পন্ন, সাশ্রয়ী মূল্যের শিশু পরিচর্যার অ্যাক্সেসের উন্নয়ন করবে। গভর্নর হিসেবে, তিনি চাইল্ড কেয়ার ব্যবস্থাকে ঢেলে সাজানো এবং ঐতিহাসিক, অনন্য বিনিয়োগ করার কাজ করছেন। বিনিয়োগের মধ্যে রয়েছে:

- চাইল্ড কেয়ার সহায়তা কর্মসূচি উন্নত করার জন্য চার বছরের, **7.6 বিলিয়ন মার্কিন ডলার** প্রতিশ্রুতি।
- স্টেটব্যাপী একটি ইলেক্ট্রনিক চাইল্ড কেয়ার সহায়তা আবেদনপত্র তৈরি করা
- সম্পূরক পুষ্টি সহায়তা কর্মসূচি (Supplemental Nutrition Assistance Program, SNAP), বাড়ির শক্তি সহায়তা কর্মসূচি (Home Energy Assistance Program, HEAP), মেডিকেইড, এবং নারী, নবজাতক, ও শিশুদের বিশেষ সম্পূরক পুষ্টি কর্মসূচিতে (Special Supplemental Nutrition Program for Women, Infants, and Children) নাম থাকা ব্যক্তিদের জন্য আবেদন প্রক্রিয়া সরলতর করা।

- চাইল্ড কেয়ার ফ্যাসিলিটির স্থান অন্তর্ভুক্ত করে এমন নিম্ন আয়ের আবাসন কর ক্রেডিটের (Low-Income Housing Tax Credit) জন্য আবেদনপত্রকে অগ্রাধিকার দিয়ে সরবরাহ তৈরির প্রণোদনা প্রদান করা।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্ক্রাইব করুন](#)